

Pleidleisiau a Thrafodion – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 7 Rhagfyr 2022

Amser y cyfarfod: 13.30

Gellir gwyllo'r cyfarfod ar [Senedd TV](#) yn:

<http://senedd.tv/cy/13073>

109(v4)

Cynhaliwyd y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

1 Cwestiynau i'r Gweinidog Cyfiawnder Cymdeithasol

Dechreuodd yr eitem am 13.30

Gofynnwyd cwestiynau 1–4 a 6–9. Tynnwyd cwestiwn 5 yn ôl. Atebwyd cwestiynau 7 ac 8 gan y Dirprwy Weinidog Partneriaeth Gymdeithasol. Gwahoddodd y Llywydd Lefarwyr y Pleidiau i ofyn cwestiynau i'r Gweinidog ar ôl cwestiwn 2.

2 Cwestiynau i'r Cwnsler Cyffredinol a Gweinidog y Cyfansoddiad

Dechreuodd yr eitem am 14.18

Gofynnwyd yr 8 cwestiwn cyntaf. Cafodd cwestiynau 3 a 5 eu grwpio i'w hateb gyda'i gilydd. Gwahoddodd y Llywydd Lefarwyr y Pleidiau i ofyn cwestiynau i'r Cwnsler Cyffredinol ar ôl cwestiwn 2.

3 Cwestiynau i Gomisiwn y Senedd

Dechreuodd yr eitem am 15.09

Gofynnwyd y 4 cwestiwn. Cafodd cwestiynau 1 a 2 eu grwpio i'w hateb gyda'i gilydd.

4 Cwestiynau Amserol

Dechreuodd yr eitem am 15.21



Atebwyd gan Weinidog y Gymraeg ac Addysg

[Heledd Fychan \(Canol De Cymru\)](#): A wnaiff y Gweinidog ddatganiad am ddata cyfrifiad 2021 am sgiliau Cymraeg sy'n dangos bod nifer y siaradwyr Cymraeg yng Nghymru wedi gostwng am yr ail ddegawd yn olynol?

Atebwyd gan y Gweinidog Iechyd a Gwasanaethau Cymdeithasol

[Laura Anne Jones \(Dwyrain De Cymru\)](#): A wnaiff y Gweinidog ddatganiad am y cynnydd mewn achosion o grŵp A streptococcus mewn ysgolion?

[Rhun ap Iorwerth \(Ynys Mon\)](#): A wnaiff y Gweinidog ddatganiad am ymateb y Llywodraeth i fygythiadau o weithredu diwydiannol ar draws GIG Cymru, ac ar ei chynlluniau i geisio osgoi'r fath o weithredu drwy negodi?

5 Datganiadau 90 Eiliad

Dechreuodd yr eitem am 15.56

Gwnaeth Jayne Bryant ddatganiad am – Bu farw Peter Baldwin yn 13 oed oherwydd cymhlethdodau o ganlyniad i'w ddiabetes yn cael diagnosis yn rhy hwyr. Byddai Peter Baldwin wedi troi'n 21 oed ym mis Rhagfyr eleni. Cynhaliwyd digwyddiad yn y Senedd ddydd Mawrth 6 Rhagfyr fel rhan o etifeddiaeth Peter.

Gwnaeth Cefin Campbell ddatganiad am – Radio Glangwili, a fydd yn dathlu 50 mlynedd ers ei sefydlu ar ddiwrnod Nadolig eleni.

6 Dadl ar Gynnig Deddfwriaethol gan Aelod – Bil Iaith Arwyddion Prydain (BSL)

Dechreuodd yr eitem am 16.00

Gohiriwyd y bleidlais ar y cynnig o dan yr eitem hon tan y Cyfnod Pleidleisio.

NDM8093 [Mark Isherwood \(Gogledd Cymru\)](#)

Cynnig bod y Senedd:

1. Yn nodi cynnig am Fil a fyddai'n gwneud darpariaeth i annog defnyddio Iaith Arwyddion Prydain (BSL) yng Nghymru, a gwella mynediad at addysg a gwasanaethau yn BSL.
2. Yn nodi mai prwpas y Bil fyddai:
 - a) cael gwared ar y rhwystrau sy'n bodoli i bobl fyddar a'u teuluoedd mewn addysg, iechyd, gwasanaethau cyhoeddus, gwasanaethau cymorth ac yn y gweithle;
 - b) cryfhau saith nod Llesiant Deddf Llesiant Cenedlaethau'r Dyfodol (Cymru) 2015 yn y modd y maent yn ymwneud â BSL;
 - c) gweithio tuag at sicrhau nad yw pobl fyddar sy'n defnyddio BSL yn cael eu trin yn llai ffafriol na'r rhai sy'n siarad Cymraeg neu Saesneg;
 - d) sicrhau bod gan gymunedau byddar lais wrth ddylunio a darparu gwasanaethau i sicrhau eu bod yn diwallu eu hanghenion;
 - e) sefydlu Comisiynydd BSL a fydd yn:
 - (i) llunio safonau BSL;
 - (ii) sefydlu panel cyngori BSL;
 - (iii) llunio adroddiadau bob pum mlynedd yn BSL, Cymraeg a Saesneg ar sefyllfa BSL yn y cyfnod hwnnw;
 - (iv) darparu arweiniad a phroses i gyrff cyhoeddus hyrwyddo a hwyluso BSL yn eu priod barthau;
 - f) sefydlu gweithdrefn ar gyfer ymchwilio i gwynion;
 - g) ei gwneud yn ofynnol i gyrff cyhoeddus adrodd ar eu cynnydd o ran hyrwyddo a hwyluso BSL drwy eu cylch cofnodi Deddf Llesiant Cenedlaethau'r Dyfodol (Cymru) 2015;
 - h) rhoi dyletswydd ar Lywodraeth Cymru i baratoi a chyhoeddi adroddiad blynyddol BSL sy'n disgrifio'r hyn y mae adrannau Llywodraeth Cymru wedi'i wneud i hyrwyddo'r defnydd o BSL.

Cynhaliwyd pleidlais ar y cynnig:

O blaid	Ymatal	Yn erbyn	Cyfanswm
38	12	0	50

Derbyniwyd y cynnig.

7 Dadl ar adroddiad y Pwyllgor Deisebau – Cyfraith Mark Allen: Diogelwch dŵr ac atal boddi

Dechreuodd yr eitem am 16.25

NDM8157 [Jack Sargeant \(Alun a Glannau Dyfrdwy\)](#)

Cynnig bod y Senedd:

Yn nodi adroddiad y Pwyllgor Deisebau, 'Cyfraith Mark Allen Diogelwch dŵr ac atal boddi', a [osodwyd](#) yn y Swyddfa Gyflwyno ar 2 Awst 2022.

Noder: [Gosodwyd](#) ymateb Llywodraeth Cymru i'r adroddiad yn y Swyddfa Gyflwyno ar 30 Tachwedd 2022.

Derbyniwyd y cynnig yn unol â Rheol Sefydlog 12.36.

8 Dadl ar adroddiad y Pwyllgor Newid Hinsawdd, yr Amgylchedd, a Seilwaith – Adroddiad ar weithrediad y mesurau interim diogelu'r amgylchedd

Dechreuodd yr eitem am 16.56

NDM8158 [Llyr Gruffydd \(Gogledd Cymru\)](#)

Cynnig bod y Senedd:

Yn nodi adroddiad y Pwyllgor Newid Hinsawdd, yr Amgylchedd a Seilwaith: 'Adroddiad ar weithrediad y mesurau interim diogelu'r amgylchedd', a [osodwyd](#) ar 28 Medi 2022.

[Gosodwyd](#) ymateb Llywodraeth Cymru i'r adroddiad yn y Swyddfa Gyflwyno ar 30 Tachwedd 2022.

Derbyniwyd y cynnig yn unol â Rheol Sefydlog 12.36.

Datganiad gan y Llywydd

Am 17.30, gwnaeth y Llywydd ddatganiad am yr effaith a gaiff amserlennu dwy ddadl 30 munud ar yr amser a ddyrennir i gyfraniadau fesul Aelod. Dywedodd y bydd y Pwyllgor Busnes yn ystyried amseroedd siarad mewn perthynas â hyd dadl ac a yw defnyddio dadleuon 30 munud yn rhoi digon o amser i'r Senedd ystyried rhai pynciau penodol.

9 Dadl y Ceidwadwyr Cymreig – Adolygiad annibynnol o ofal cymdeithasol plant

Dechreuodd yr eitem am 17.31

Gohiriwyd y bleidlais ar y cynnig a'r gwelliannau o dan yr eitem hon tan y Cyfnod Pleidleisio.

Cynhaliwyd pleidlais ar y cynnig heb ei ddiwygio:

NDM8160 [Darren Millar \(Gorllewin Clwyd\)](#)

Cynnig bod y Senedd:

1. Yn galw ar Lywodraeth Cymru i sefydlu adolygiad annibynnol o ofal cymdeithasol plant yng Nghymru.

O blaid	Ymatal	Yn erbyn	Cyfanswm
25	0	26	51

Fel sy'n ofynnol o dan Reol Sefydlog 6.20, defnyddiodd y Llywydd ei phleidlais fwrw drwy bleidleisio yn erbyn y cynnig. Felly, gwrthodwyd y cynnig.

Cyflwynwyd y gwelliannau a ganlyn:

Gwelliant 1 [Lesley Griffiths \(Wrecsam\)](#)

Dileu popeth a rhoi yn ei le:

Cynnig bod y Senedd:

Yn cefnogi cynlluniau Llywodraeth Cymru ar gyfer diwygio gofal cymdeithasol plant heb fod angen adolygiad annibynnol a fyddai'n cymryd adnoddau gwerthfawr ac yn tarfu ar y gwaith rhagorol a wneir gan y rhai sy'n darparu gwasanaethau i blant agored i niwed, eu rhieni a'u gofalwyr.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
24	14	11	50

Derbyniwyd gwelliant 1.

Cynhaliwyd pleidlais ar y cynnig fel y'i diwygiwyd:

NDM8160 [Darren Millar \(Gorllewin Clwyd\)](#)

Cynnig bod y Senedd:

Yn cefnogi cynlluniau Llywodraeth Cymru ar gyfer diwygio gofal cymdeithasol plant heb fod angen adolygiad annibynnol a fyddai'n cymryd adnoddau gwerthfawr ac yn tarfu ar y gwaith rhagorol a wneir gan y rhai sy'n darparu gwasanaethau i blant agored i niwed, eu rhieni a'u gofalwyr.

O blaid	Ymatal	Yn erbyn	Cyfanswm
23	15	12	50

Derbyniwyd y cynnig fel y'i diwygiwyd.

10 Dadl y Ceidwadwyr Cymreig – Ardrethi busnes ar gyfer llety hunanddarpar

Dechreuodd yr eitem am 18.04

Gohiriwyd y bleidlais ar y cynnig a'r gwelliannau o dan yr eitem hon tan y Cyfnod Pleidleisio.

Cynhaliwyd pleidlais ar y cynnig heb ei ddiwygio:

NDM8161 [Darren Millar \(Gorllewin Clwyd\)](#)

Cynnig bod y Senedd:

1. Yn galw ar Lywodraeth Cymru i ystyried y pryderon difrifol a fynegwyd gan ddarparwyr llety hunanddarpar ledled Cymru ynghylch y cyfnod asesu ar gyfer penderfynu ar gymhwystra ar gyfer cymhwyso ar gyfer ardrethi busnes yn 2022–2023, a diwygio'r rheoliadau yn unol â hynny.

O blaid	Ymatal	Yn erbyn	Cyfanswm
14	0	36	50

Gwrthodwyd y cynnig heb ei ddiwygio.

Cyflwynwyd y gwelliannau a ganlyn:

Gwelliant 1 [Lesley Griffiths \(Wrecsam\)](#)

Dileu popeth a rhoi yn ei le:

Cynnig bod y Senedd:

1. Yn cydnabod:

a) bod Llywodraeth Cymru wedi ymgynghori'n eang ynghylch newidiadau i'r meini prawf a ddefnyddir i gategoreiddio llety hunanddarpar fel eiddo annomestig at ddibenion treth lleol, a fydd yn dod i rym o fis Ebrill 2023.

b) na chaiff cydymffurfiaeth â'r meini prawf newydd ei hasesu tan ar ôl 1 Ebrill 2023.

c) bod y newidiadau hyn yn rhan o becyn ehangach o fesurau sydd wedi'u cynllunio i gefnogi cymunedau lleol llewyrchus, lle y gall pobl fforddio byw a gweithio gydol y flwyddyn.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
26	0	24	50

Derbyniwyd gwelliant 1.

Gan fod gwelliant 1 wedi ei dderbyn, cafodd gwelliant 2 ei ddad-ddethol

Cynhaliwyd pleidlais ar y cynnig fel y'i diwygiwyd:

NDM8161 [Darren Millar \(Gorllewin Clwyd\)](#)

Cynnig bod y Senedd:

1. Yn cydnabod:

a) bod Llywodraeth Cymru wedi ymgynghori'n eang ynghylch newidiadau i'r meini prawf a ddefnyddir i gategoreiddio llety hunanddarpar fel eiddo annomestig at ddibenion treth lleol, a fydd yn dod i rym o fis Ebrill 2023.

b) na chaiff cydymffurfiaeth â'r meini prawf newydd ei hasesu tan ar ôl 1 Ebrill 2023.

c) bod y newidiadau hyn yn rhan o becyn ehangach o fesurau sydd wedi'u cynllunio i gefnogi cymunedau lleol llewyrchus, lle y gall pobl fforddio byw a gweithio gydol y flwyddyn.

O blaid	Ymatal	Yn erbyn	Cyfanswm
35	0	15	50

Derbyniwyd y cynnig fel y'i diwygiwyd.

11 Cyfnod Pleidleisio

Dechreuodd yr eitem am 18.25

12 Dadl Fer

Dechreuodd yr eitem am 18.30

NDM8159 [Mabon ap Gwynfor \(Dwyfor Meirionnydd\)](#)

Breuddwydion atomig: pŵer niwclear a ffydd ddall mewn technoleg sy'n heneiddio

Daeth y cyfarfod i ben am 18.58

Cynhelir Cyfarfod Llawn nesaf y Senedd am 13.30, Dydd Mawrth, 13 Rhagfyr 2022